

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669


Capvt XXXIII.

urn:nbn:de:hbz:466:1-15617

episcopos, Episcopos, Abbates, & alios viros religiosos, id est, laicos. Electi virtutes potius examinatae sunt quam ipsa electio. Nam quamvis major eligentium pars in Petrum Leonis inclinasset, Rex tamen, ex sententia Ecclesiae Gallicanæ, Innocentio adhaesit, qui & propriis virtutibus juvabatur & eorum meritis à quibus electus erat. Regem porrò convocasse hoc Concilium testatur his verbis Sugerius: *Quo Rex, ut erat piissimus Ecclesie defensor, citio compunctus, Concilium Archicoporum, Episcoporum, Abbatum, & religiosorum virorum, Stamps convocat; & eorum consilio magis de persona quam de electione investigans &c.* Existimandum autem non est magnates regni non interfuerint huic conventui. Nam preterquam quod verba illa Sugerij, & religiosorum virorum, id satis restantur, (juxta modum loquendi à Glabro usurpatum, qui religiosos laicos vocat proceres qui Roberti Regis iussu convenerunt apud urbem Aurelianensem) extat etiam dilata ejus rei probatio apud Bernardum Abbatem Bonaventilis. Narrat ille, in libro secundo de vita sancti Bernardi Claravallensis Abbatis, sanctum illum ad Concilium illud fuisse evocatum, Regem autem, Episcopos, & proceres communis consilio integrum hoc negotium ejus judicio prorsus permisisse. Vnde pater magnates regni ei Concilio interfuerint. *Vbi vero ad locum ventum est, inquit, celebrato prius jejunio, & precibus ad Deum fisis, cum de eodem verbo tractatur Rex & Episcopi cum Principibus confidissent, unum omnium consilium fuit, una sententia, ut negotium Dei famulo imponeretur, & ex ore ejus tota causa penderet.*

ADDITIO
STEPHANI BALUZII.

ILLUSTRE est in eam rem testimonium Arnulphi Sagiensis Archidiaconi, tum temporis adversus Gerardum Episcopum Engolismensem Petri Leonis in Aquitania Legatum scribentis. Ait ergo Arnulphus in capite quinto: *Nuntiato in Gallia schismate, dum pro partibus vario favore multi multa loquuntur, sed quisque populus alicuius raptatur errore, primus Regum catholicus Princeps Rex Francorum Ludovicus occurrit. Is vocatis Episcopis, & omnibus qui probante religionis in Gallia habebantur, convocato etiam clero regnique majoribus, Concilium statuit generale. Tractatus ille Arnulphi Sagiensis Archidiaconi, qui dein antistes Lexoviensis fuit, editus est ab amicissimo viro Domno Luca Dacherio monacho Benedictino in tomo secundo Spicilegij veterum scriptorum pag. 336.*



Tom. II.

CAPVT XXXIII.

Synopsis.

I. Conciliorum regiorum præcipua cura erat, videre ne quid detimenti caperent antiqua Regis & Ecclesie Gallicane jura. Procerum praesentia justam Episcopis causam subministrabat qua se apud Summum Pontificem excusarent, si recederent ab institutis Curia Romana. Probatur ex Ivone Carnotensi. Episcopi homagium Regi præstare coacti; quanquam aliud statuerint Romani Pontifices.

II. Probatur item ex literis à clero Gallico ad Bonifacium octavum scriptis. Ex iis colliguntur, non solum Episcopos, sed etiam laicos, censuisse de politia ecclesiastica. Tum, Proceres & populum continere solitos in officio clerum.

III. Hunc coactum obtinebant Episcopi Galliani, quos Italias artes eludere definaverant. Probatur ex iis quo in urbe Biurigeni contigerunt anno 1226. apud Matthaeum Parisium.

I. PRÆCIPUA horum conventuum cura erat, videre ne praetextu novitatum quæ in politiam ecclesiasticam introducebantur, quid detimenti caperent antiqua Regis & Ecclesie Gallicane jura. Ea autem erat temporum illorum cautio, ut quoniam deliberatio fieri debebat à corpore Concilij, causarum definitio non permetteretur solis Episcopis, quos jam Vaticani fulmina terruerant, sed magnatum etiam regni sententia adjungeretur, qui personarum ecclesiasticarum corpus compellebant aquitatis rationem habere. Coactus enim ille & efflagitatio laicorum justam Episcopis causam subministrabat, qua se apud Summum Pontificem excusare possent, cum se accommodaverint ad eorum voluntatem. Sed tamen id aliquo exemplo probandum est. Extant autem duo valde illustria. Primum petitur ex Ivone Episcopo Carnotensi: qui ad Paschalem secundum Papam scribens circa annum M C V I I . narrat quid actum fuisset in Curia seu Parlamento quod Rex Philippus primus in festo Natalis Domini habuerat apud urbem Aurelianensem. Agebatur de restitutione Radulfi Archiepiscopi Remensis, ejusque Ecclesie possessione adjudicanda Gervasio. Negotium autem illud Ivo valde urgebat apud Regem. Is verò confessit ut Radulfus se sisteret Curia mox habenda, in qua agitari posset hoc negotium cum proceribus regni. *Adquievit tandem pre-^{Ivo ep. 158.} cibus nostris, inquit Ivo, & concessit ut cum ad Curiam suam, que Aurelianis in Natali Domini congreganda erat, securè adduceremus, & ibi cum eo & cum Principibus regni de hoc negotio, quantum fieri posset salva regni integritate.*

O o ij

Vide lib. 4. c. 13.
§. 1.

tate, tractaremus. Verum id quod sequitur magni momenti est. Nam Radulfus restitutus quidem est, ut Ivo optaverat, sed ea lege, ut homagium ab omnibus Episcopis prestari solitum Regi praestaret. Gregorius septimus, Vrbanus secundus, & Paschalis secundus Summi Pontifices prohibuerant in Conciliis Romanis ne Episcopi homagium praestarent Principibus. At Galli nostri his decretis consensum suum adhibere noluerunt. Vnde intelligere possumus Concilia regia non cessisse Romanis quae jura regia infringebant, ac præterea eadem Concilia adegit Episcopos regni ad reverentiam erga Principes. Sed reclamante Curia, inquit Ivo, plenariam pacem impetrare nequivimus, nisi predictus Metropolitanus per manum & sacramentum eam fidelitatem Regi faceret &c. Quod persuadentibus & impellantibus totius Curie optimatibus, eti propter mandatorum rigorem minus licet, factum est tamen, quia ecclesiastice paci & fraternæ dilectioni sic expediebat. Rogat autem Ivo Paschalem Papam ut factum illud gratum habere velit, quod non alia de causa pravum est quam quod superiorum prohibitioni contradicat; verum illud esse tolerandum, quod neque reparari possit, neque locus sit ultioni: Ibi consilij & pietatis studiis visceribus abundare ubi fas non est debitam fortitudinem exercere.

II. Alterum exemplum petitur ex literis a clero Gallicano ad Bonifacium octavum Papam scriptis. Docent quippe Regem Philippum Pulcrum convocasse Episcopos, Abbes, Piores conventuales, Decanos, Praepositos, & procuratores Ecclesiarum cathedralium & collegialium, syndicosque & procuratores urbium & communitatum regni, eos vero, juxta Principis edictum, Parisios accessisse, & in Ecclesia cathedrali congregatos esse anno M C C I I. die decima mensis Aprilis. In eo conventu, cui Philippus interfuit, oratio Principis per procuratorem ejus audita est. Differuit ergo Archidiacionum Narbonensem Philippo Regi literas Pontificis reddidisse, in quibus duo quædam continerentur. Primum, regnum Franciæ sedi apostolica subjectum esse, etiam quoad temporalia. Secundum, quod nihil aliud erat quam primi executio, præcipere Pontificem omnibus Praelatis, Magistris in Theologia, & Professoribus utriusque Iuris, ut Roman accedant, ad corrigendum excessus & damage quæ Rex, Officiales ejus Barones, & populi inferebant Ecclesiis & personis ecclesiasticis. Quoniam vero ex illa Episcoporum aliorumque virorum absentia oriretur miserrima totius regni vastitas, unde conserqueretur perniciis fidei rariisque sacramen-

torum usus, praeter immensam vim auri quæ extra regnum ea ratione asportaretur, velle Principem, cum consilio hujus conventus, providere ne quid detrimenti Regi, regno, & Ecclesiæ Gallicanae adferant ea quæ à Summo Pontifice & Ecclesia Romana tenabantur circa hæc quæ suprà dicta sunt & alia nonnulla capita. Introductas nempe reservationes Beneficiorum, consecrationes Archiepiscoporum & Episcoporum ademptas Episcopis comprovincialibus, Beneficia à Summo Pontifice conferri alienigenis, qui neque in iis resident, neque ullo munere suo funguntur; super hæc, omitti non debere pensiones, novas exactiones, & servitia immoderata, nonnullaque alias novitates, quas Princeps dissimulare ultrâ non poterat. Tum à Praelatis, Baronibus, ceteris, & ab unoquoque eorum summo studio postulavit, præcepit tanquam dominus, & ut amicus rogavit, ut se consilio & ope sua juarent, quemadmodum ad id tenebantur ratione fidei quam Principi sponderant. Quippe cupere se serio studere conservanda antiquæ libertati, honori, & statui regni sui suorumque subditorum, ac præterea reparandis damnis suprà memoratis, ac reformationi regni & Ecclesiæ Gallicanæ. At Baronibus & syndicis communitatum seorsim deliberantibus in hac materia, una omnium vox fuit, reddere se Principi gratias quod tam præclarum consilium suscepisset, vitam porrò se ac fortunas suas lubenter oblatuos periculis, ut regium illud confitum ad effectum perducatur. Addant autem se novitates illas non toleratos deinceps, tametsi Princeps eas pati aut dissimulare voluerit. Episcopi vero in epistola sua quam diximus ad Bonifacium aiunt se conatos esse amicos Regis ac Baronum placare ac lenire, ac publicè dixisse eam Summo Pontifici mentem non fuisse ut libertatem regni vel famam Regis violaret. Coactos tamen statim respondere, omni cunctatione remota; adeo ut publicè tunc dictum ad eos fuerit quod si quis ipsorum contraria sententiam promeret, haberetur pro inimico Regis & regni. Ac predicto, inquit, patenter & publicè universis quod si quis voluntatis contrarie appareret, ex tunc pro inimico Regis & regni notoriè habebatur. Cum autem inteligerent in eo positum esse negotium ut si voluntati Regis & Baronum repugnaret, periculum esset ne laici exuerent reverentiam & obsequium in Ecclesiam Romanam & Gallicanam, necessitate illa adactos respondisse adjuvatos se Regem consilio & ope sua pro conservatione persona ejus, juriisque honorum, ac libertatis

regni, eos nimurum Episcopos qui ducatus, comitatus, baronias, aliave feuda possidebant, juxta conditiones suorum juramentorum, alios verò, secundum sponzionem fidei. Regi nihilominus supplicastè ut patetur Episcopos ad Bonifacium accedere, quandoquidem Romano Pontifici obedire tenebantur. Regem verò ac Barones respondisse non permisuros se ut Episcopi iter illud aggrederentur. Cùm itaque manifestum foret imminere dissidium inter regnum & Ecclesiam Romanam, cùm eis mina frequenter proponantur pro captione temporalitatis, rēque eò devenerit ut pro nihilo habeantur excommunicationes quas ferri circa hæc contingere, orare se Pontificem ut eam curam his malis adhibeat quæ animorum concordiam possit reducere, tum etiam ut literas revocet quibus eos evocaverat ad Concilium, *vocationis edictum*, ut aiunt Episcopi.

Epistola illa manifestè probat duas observationes à me paulò antè prolatas. Primum quidem, non solum personas ecclesiasticas, sed universum conventum deliberatè de politia ecclesiastica ad prohibendam novitatis introductionem. Tum, Proceres & populum continere solitos in officio clerum, eisque securitatem addere adversus aulæ Romanae terrores.

III. Intelligebant sanè personæ ecclesiasticae eum agendi modum plurimū valere apud ingenia Curiæ Romanae. Itaque quoties privatim eorum intererat, publicè protestabant non solum non assentiri se Summi Pontificis desideriis, sed etiam Regem & Principes palam obfistere, adeo ut minarentur se vitam ac fortunas suas ea de causa labenter objecturos periculo. Illustre hujus rei exemplum extat in conventu Ecclesiae Gallicanæ quem anno M C C X X V I . Avarici Biturigum egit Romanus Cardinalis; ut in Henrico tertio narrat Matthæus Parisius. Cùm is de negotio Albigensium differuisse, secretis conatus, cùm jam plures ex delegatis recessissent, obtinere tentavit ut ratio haberetur petitionis quam Papa faciebat, nimurum ut duarum præbendarum collatio sedi apostolica reservaretur, quarum una ad Episcopi aut Abbatis collationem pertinere, alia verò ad Capitulum aut monasterium. Verum huic petitioni intercesserunt procuratores Capitulorum Ecclesiarum metropolitanarum, afferentes id fieri non posse quin scandalum ingens excitetur in Ecclesia Gallicana, contentum verò quorundam nullius roboris futurum in causa quæ ad publicam omnium utilitatem spectabat. Adidunt autem Regi & omnibus Principibus

destinatum esse ei petitioni obfistere: *Cum ferè omnes majores, & generaliter omnes subditæ, necnon & ipse Rex, & omnes Principes, patrati sint contradicere & resistere usque ad captis expositionem & omnis honoris privationem; præterim cùm videatur imminere, propter hoc scandalum, subversio regni & Ecclesie generalis.* Infrà: Domine, moveat vos Zelus universalis Ecclesie: quia si omnium est universalis oppressio, possit timeri ne imminet generalis discessio, quod Deus avertat. Verba hæc cum indignatione quadam facta Legati consilium interruperunt: qui palam professus est se, cùm in Curia Romana versaretur, nunquam consensisse hujuscemodi exactiōibus, & haud dubiè mandatum illud ad se missum esse ea mente ut executioni mandareretur si Imperij aliorūque regnorum consensus accederet.

C A P V T XXXIV.

Synopsis.

I. *De Concilio Ecclesie Gallicane tempore schismatis ultimi.*

II. *In iis nihil reperitur adversum regis auctoritati; que semper tota integra conservata est. Deliberationes Ecclesie Gallicane spectantur tantum velut consilium Regi datum. Indigit ejus consensu & confirmatione. Debet congruere fractus Conciliorum. Praeterea verba Ioannis Invenalis de Virsinis Advocati regij referuntur.*

III. *Carolus sextus conatur extinguere schisma. Eam ob rem congregavit Concilium Gallicanum; in quo decreta est cesso Benedicti IIII. quam is pollicitus erat.*

IV. *Ex diversis ordinibus constatam esse hanc congregationem probatur ex constitutione Caroli. Cane inique intelligendus est Archiepiscopus Remensis, qui solius cleri mentionem facit.*

V. *Ordo observatus in rogandis personarum ecclesiasticarum sententiis explicatus verbis Ioannis Invenalis de Virsinis. Simon Gramaudus Patriarcha Alexandrinus prefuit huic conventui. Ei per legatos praefuisse Regem adnotatum est in vita M.S. Caroli sexti.*

VI. *Legati ad Benedictum missi, qui viam cessionis ei proponerent. Vir callidus eorum ingenia elutus. Rursum legatus ad eum missa; némque ad Bonifacium nonum ab Hispania. Irrito conatus. Dein subtrahit ab obedientiis Benedicti decernuntur in Concilio Ecclesie Gallicane.*

VII. *Ei restitutus obedientia, opera Ducis Au-*

relianensis.

VIII. *Rursum in congregacione Ecclesie Gallica-*

na anno 1406. agitata est materia cessionis & sub-

tractionis. Quigrundam audacia editio Principis re-

pressa, qui aperiè invehebantur in viam cessionis &

subtractionis. Tum pronuntiat Concilium non toleran-

turos se deinceps reservationes Beneficiorum aliae

ingenia aula Romanae. Magni viri interfuerunt huic

Concilio.

O o iii